



UNIVERSITÄTS-  
BIBLIOTHEK  
PADERBORN

**Roma Sancta sive Benedicti XIII. Pontificis Maximi &  
Eminentissimorum & Reverendissimorum S. R. E.  
Cardinalium Viva Virtutum Imago Æri & literis in  
perennaturam Virtutum memoriam incisa**

**Conlin, Johann Rudolph**

**Augustæ Vindelicorum, Anno MDCCXXVI**

**VD18 10209328**

No. XXXII. Joannes Baptista Ptolomæus Pistoriensis S. J.

---

[urn:nbn:de:hbz:466:1-72633](https://nbn-resolving.de/urn:nbn:de:hbz:466:1-72633)

## No. XXXII.

# JOANNES BAPTISTA PTOLOMÆUS PISTORIENSIS S. J.

Joannes Baptista è Societate Jesuiti. S. Stephani in Monte Celio Cardinalis Pistoriensis natus est An. 1653. 3. Dec. Nobilem in Hetruriā Pistoriam, ipse ex Domō longè Illustrissimā, Patriam nactus; & si quidem ab Antiquis Hetruscis Purpuram & Fasces olim Roma Orbis Domina mutuare visa, modò planè vices luculenter rependit, ad Solium, ad Purpuram, ad Fasces Hetruscos sine numero Viros vocando. Sic ad suūnum Pontificatū apicem ex Hetruriā evocabantur S. Linus, qui anno à repara-  
ta nostra salute septuagesimo Divi Petri inmediatus Successor extiterat; ut adeò Ro-  
mana dignitas in Hetruscum hominem primò omnium post Petrum caderet. S. Euty-  
chianus Hetruscus Cathedram Petri ascenderat An. 275.; & erat perpetuum Ma-  
nichæorum flagellum. S. Joannes Hetruscus Romano in Solio sedebat An. 523 ju-  
ratus Atrianorum hostis. Sabianus Hetruscus Gregorio Magno An. 604. Magnus  
Magno successerat. Martinus II. Hetruscus Ecclesiam moderabatur An. 883. idém-  
que Græcorum errorum profligator acerrimus erat. Post eum Romanus II. He-  
truscus, qui sedit An. 900. Romanæ fuit gloria Gentis. Gregorius VII. Hetruscus  
Henrici IV. Imperatoris fastum, qui Romanæ Ecclesiæ jura diminutum ibat, in  
forti Numinis Brachio fregit. Idem à Mathilde piissima Matronâ Patrimonium  
Petri donum tulerat. Alexander III. Hetruscus Friderici Ænobardi nefariis in Ec-  
clesiam conatibus pro virili obstiterat; cuius honoribus Itali splendidam Urbem A-  
lexandriam in Ducatu Mediolanensi, ejus de nomine dictam, dicaverant. Pius III.  
Hetruscus è Gente Piccolomineā ipsem ad Sacrum bellum adversus infideles ge-  
rendum iturus erat; sed Martia Confilia Mytrato Antistiti mors interveniens discul-  
serat. Pius III. Hetruscus itidem Piccolomineus, Pontifex licet brevissimus (nam  
non ultra quatuordecim dies federat) meritis tamen ætatis annos transcendebat.  
Certè nostra Germania Piccolomineos non ignorat; nam copiæ, quas Octavius Pic-  
colomineus ducebat, ex denique fuerunt, à quibus Gustavus Adolphus, Gotticum  
illud fulmen, sua tellure reconditum fuit. Leo X. Hetruscus ex Medicæorum Prin-  
cipe familiâ Pragmaticam Sanctionem per Regnum Galliarum, Francisco I. assen-  
tiente, magno pro Sede Pontifícia emolumento sustulerat. Clemens VII. Hetruscus  
itidem Medicæus, à Davide Æthiopia Imperatore An. 1528. legationem susceperebat,  
qua is obedientiam Sedi Apostolicæ & obsequium deferebat. Optimi tamen ejus

Y

Pon

Pontificis regimen ingenti Ecclesiæ clade deformabatur. Nam Ludovicus Hungariæ & Bohemiæ Rex, ingenti proelio à Solymanno Turcarum Imperatore A. 1526. devictus, in paludibus, quibus demergebatur, miserè interierat. Subinde Buda cum magna Hungariæ parte, quâ dolo, quâ vi à Turcis subigebatur. Postea Cæsareus miles occupatam A. 1527. Borbonio Duce Romam miserum in modum expilabat. Leo XI. Herruscus iherum ex Medicis pene Septuagenarius canitatem suam triplici Tyara condecoratam vidit. Urbanus VIII. Barberinus Hetruscus in bello tricennali Europæ Principibus instabat, increpabat (prout singulos in rem Catholicam animatos advertebat) ut coīmune periculum fortiter propulsarent. Demum Alexander VII. Hetruscus ex domo Chispa Romanos Tybris inundatione, & pestiferâ unâ strage pessime affectos, refocillabat; frumento, pecuniis, pharmaciis laborantes juvabat. Hi, Hi fuere Viri prorsus egregii, quos ex Hetruscis ad sumum evectos Solium Sacra Roma vidisti! Et quibus denique, quantisque Viris Sacram Purpuram tradidisti? Ex Hetruscis Senensibus eam obtinuerunt Chispi, Piccolominei, Zondodarii, Bichii, Bandinelli, Ninii &c. &c. ex Florentinis Medicæ, Barberini, Falconerii, Corfini, Accioli, Sacchetti, Bandini, Bonsii, Ubaldini &c. &c. Ex Pistoriis Rospigliosi, Fabroni, Ptolomæi &c. &c. Verùm enimverò Joannes Baptista Ptolomæus vir omnibus numeris absolutissimus Hetruscum Magnificentiam Ore, Habitum, Eloquio exprimit. Cùm ab incunabulis pietatem spiraret, adolescens factus, Jesu Societatem ingrediebatur, dignissimus tanto Socius Magistro. In religioso Ordine tam admirandos brevi successus fecerat, ut vel inter suos, quos Doctissima Orbis Lumina omnes credunt, emineret. Præsertim Historiam Sacram æquè ac profanam, eo fructu percurrebat, ut in eo utilissimo studio ad multorum stuporem planè eruditissimus evaderet. Inde contigit, ut Annales Ecclesiasticos, à famosissimo Cardinali Baronio usque ad annum 1198. præclarè deductos, doctissimo calamo aggredieretur, eos ad nostra usque tempora (nam providâ Cœli curâ hoc intelligentia Lumen servandum confidimus) deducturus; quos si absolutos literatus orbis conspiciet, quoties doctissimum Baronium manibus tractabit, toties in Ptolomæo unâ admirabundus hæredit; nec prima præstantiora quam media, aut media quam ultima sentiet. Tam Doctum Lumen Purpureo Cœlo à se inferendum Clemens XI. censuit; Hinc A. 1712. 18. Maij Virum de Literario Orbe meritissimum Sacro Purpuratorum Collegio motu proprio adscripterat. Quam ille dignitatem, haud gravatè alias secum & cum suis libris versatus, denique admisit, quia admittere jubebatur. Postea in Quesnellianos errores profligandos, toto peccore incubuit. Fuerat Pascasius Quesnellus Sacerdos Oratori Parisiis. Is Reflexionibus moralibus novum Testamentum ita illustraverat, ut magis obscuraret. Volvebantur tamen & revolvebantur libri illi Quesnelli per complures annos à Gallis, suò etiam genio in novitates quascunque intentissimis; comprehendebantur tamen manifesti errores, vel hæresin continentes, aut hæreticæ pravitati proximi, aut cum sumo legentium scandalo conjuncti. Hinc una supra centum propositiones A. 1713. gravi è Vaticano fulmine vapulabant. Quesnellus quidem Amstelodamum fugam arripnerat, ubi An. 1719. Senecio plusquam Octuagenarius decesserat, Sacris Catholicorum ritu, ut ajunt, ante mortem probè munitus. Nec tamen suos errores secum unâ abstulit; quia in Galliâ etiam ex Primatibus admiratores inveniebat & cultores. Postulabant, quicunque pro Quesnello stabant, ut Sacra Sedes noviter declararet, in quo sensu rejectas propositiones & damnatas vellet? contrà Obedientioribus satis erat, rejectas & damnatas fuisse. Hoc de Ludovico XIV. Invictissimo Galliarum Rege immortalí nominis ejus gloriâ satendum est, ab illo providissimâ curâ invigilatum fuisse, ut sub primis adhuc cineribus gliscens incendium, maturè & efficacibus exhibitis remedis extinxeret, ne in altiores aliquando flamas, nec facile extingui biles, exsurgeret. Is ul-

ultimus conatus erat , quo Sapientissimus ille Coeli Liligeri Phoebus felicissimum suum Regimen coronaverat . Et licet post illius mortem Quesnelliāe iliae turbæ magis augescerent , Ludovico tamen XV. Regni fascibus admoto , & Atavi sui laudabilissimis vestigiis fortiter insidente , jam jacet antiquatus error , qui exoriens tanti supercilii fuerat . Et hæc firmissima illa Sparta erat , quam Eminentissimus Purpuratus Ptolomæus virtute plusquam Atticā , nec impari eloquentiā oppugnatū ibat , nec dies , nec noctes cessando , dum virulentam viridi sub herbā latentem anguem , seu sub Quesnelliā larvā tectum Jansenīum protereret . Anno 1715. Sacri Officii Assessor à Clemente XI. denominabatur , & ejusmodi Sapientiæ Magistris Sacræ Reipublicæ præsidentibus , non potest non sua Orthodoxo Orbi felicitas constare . Postea in examinandis Græcis ritibus totus occupabatur , ne ejus Religionis qualiscunque cultus , qui alicubi , in media præsertim Barbarie tenuia primæ originis vestigia conservaret , penitus interiret ; & nisi Sacra Roma maximarum opum impendio studiosissimè , Missionariis undeaque immisso , invigilaret , totus quantus est cultus , pessimumdaretur . Anno 1721. Eminentissimus Ptolomæus à Franciſca Sybilla Augustā Badenſi , Ludovici Wilhelmi Cæſareorum armorum archistratego inclyto relicta viduā pretiosissimam casulam , auro & gemmis affabre distinctam , ejus Principiſſæ manuum opus , receperat , ut in Romanā Societatis Jesu Ecclesiā , quam Gregorius XIII. Pontifex Maximus summis sumptibus magnificenter exstrui curaverat , Germanæ monumentum Municientiæ existeret . Eo quidem tempore Canonicatum in Ecclesiā Augustinā vacantem pro Georgio Augusto , secundo genito Ludovici Wilhelmi piissimæ memoriæ filio , proposuerat , facili ad concedendum Pontifice , ubi Piissimæ Parentis preces , quæ suarum splendore virtutum Romam posteā præsens decoraverat , accedebant . Eodem anno Deo ita Ordinante in prædicta Ecclesiā Societatis Jesu , die Sancto Ignatio Loiolæ Sacrâ , Officio , suavissimo Musices concentu solemniter decantato , Ipse cum Eminentissimis Purpuratis Joanne Baptista Salerno , & Alvaro Cienfuegos , utroque è Societate Jesu Viris Maximis , interfuerat . Quæ ante illud tempus felicitas Sacro huic Ordini nunquam obtigerat , ut tres unâ Sacræ Romanæ Ecclesiæ Purpuratos Patres , è suo Plantario prodeentes intueretur ; Nec tamen res mira Romanis visa , quod qui in partem egregiorum laborum in totum terrarum orbem exientes venirent , solidissimæ doctrinæ suæ & Religiosissimi Zeli bravium unâ reportarent . Nec enim hi soles , plenis virtutum radiis omnium animis sese infundentes , unquam latere possunt . Certè tantus est Eminentissimus noster Ptolomæus , qui vel summus esse mereatur , nisi felix nostra ætas unâ Clementes , Innocentios , & Benedictos faustissima Nomina tulisset , quorum Eximis Virtutibus non minus ex æquo Romanum debebatur

Solum.

No.